

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KTPO 0061919 25
Zenica, 28.10.2025. godine**

**OPĆINSKI SUD U VISOKOM
sudija za prethodno saslušanje
VISOKO**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

J. Đ., ..., prema vlastitoj izjavi neosuđivana,

Što je,

Dana 04.02.2024. godine, u Visokom, radeći kao uposlenica privrednog društva „...“ ... na poslovima prodavača, radeći na kasi, na kojim poslovima je bila ovlaštena da prima gotov novac od kupaca na ime kupovine robe, registruje prodaju kroz fiskalni sistem, izdaje fiskalni račun kupcima i potom polaže gotov novac u kasu, na koji način joj je novac bio povjeren na radu u privrednom društvu „...“ ..., koristeći se navedenim ovlaštenjem i postupajući s ciljem da sebi pribavi protivpravnu imovinsku korist, prilikom prodaje određenih proizvoda u toku dana, propustila registrovati prodaju kroz fiskalni sistem i izdati račune kupcima, te potom novac koji je na ime kupovine primala od kupaca prisvajala za sebe, sve vrijeme svjesna da prisvajanjem novca sebi pribavlja protivpravnu imovinsku korist i istovremeno čini štetu po privredno društvo „...“ ..., što je i htjela, na koji način je sebi pribavila protivpravnu imovinsku korist u ukupnom iznosu od najmanje 82,60 KM za koji iznos je istovremeno oštetila privredno društvo „...“ ...,

Dakle, s ciljem da sebi pribavi protivpravnu imovinsku korist prisvojila novac koji joj je povjeren u radu u instituciji F BiH.

Čime je počinila krivično djelo pronevjera u službi iz člana 384. stav 1. Krivičnog zakona Federacije Bosne i Hercegovine (KZ F BiH).